



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Sollicitvdo.

urn:nbn:de:hbz:466:1-30427

27 § 1 quis emit ab aliquo vaccam, vel oves, quas in veritate non habet: & ei dem venditori emens dat in socidam sub certa pessione, si emens sciuit quod non habebat, usura esse videtur, quia mutuum est. Si verò bona fide emit, non peccat quandiu durat bona fides. Cum primum autem constiterit de veritate, contractus debet rescindi, quia tunc cessat bona fides. In his igitur societatibus siue contractibus aduertatur, quod non interueniat usura ex mutuo explicito, vel implicito, neque iniustitia ex aggravatione vnius partis magis quam alterius, & tunc plana fient omnia, si etiam consuetudo locorum, & arbitrium bonorum virorum seruentur.

28 **SOCIETAS** aliquorum secularium qui non sunt religiosi, vt disciplinatum, & huiusmodi, & quorundam aliorum, qui non sunt proprie religiosi, quia non profitentur tria vota, vt locuacorum, Azurinatorum, & quorundam aliorum sunt licite, si ex iusta causa fiant, possuntque facere statutum ex honesta causa, vt omnes ingredientes tantum soluunt: secundum Per. de Peru. in tractat. de can. portio. ar. in can. nō exemplo. 16. q. 2. & debet intelligi, si potest soluere, aliter esset iniquum statutum, & debet fieri per verba affirmatiua, & non negatiua c. ad apostolicam. de simo. Possunt etiam percipere oblationes, quas ipsi ex suis pecunijs faciunt, vt eis vtantur circa altare, quia hoc non videntur oblata ecclesie, vel altari. Similiter si quid offeratur societati eorum, & non altari, vt legata quæ fiunt societatibus.

29 **ALII** autem religiosi, qui proprie non sunt religiosi: quia non fiunt tria vota solenniter, si contrahunt matrimonium, tenet, etiam si iurassent nunc contrahere, quia hoc non est de impedimentis dirimentibus contractum matrimonium, licet illicitè contrahant, si iurauerunt non contrahere. supr. Matrimonium, §. 3. possunt tenere pecunias datas intuitu propriæ personæ ex vi suarum constitutionum, quia votum paupertatis non habent, nisi partieu-

lariter se obligauerint, vel eorū cōsuetudo aliter habeat, vt quia, alij ponunt in cōmuni, & huiusmodi. Tunc enim infideliter agerent, non ponendo in cōmuni, cum alij ponant.

SODOMIA.

Sodomia, suprā, Luxuria. §. 5. grauissimum est peccatum, quomodo cunque fiat contra naturam. Vitium Sodomiticum non est omnis actus luxuriæ contra naturam, sed tantum actus luxuriæ, qui est inter ea, quæ sunt eiusdem speciei, & eiusdem sexus: ideo accedens ad brutum animal non dicitur Sodomiticè peccare, sed bestialiter: & accedens ad mulierem, etiam non seruato naturali vase, non dicitur Sodomita, sed monstruose peccat: sed tunc Sodomita dicitur, cum sit concubitus non ad debitum sexum: vt si masculus cum masculino, vel mulier cum muliere: secundum Thomam secunda secunda. q. 154. a. 11. in c. Sexus enim femineus non est debitus pro concubitu feminæ, sed masculus, & econtrā.

SOLLICITVDO.

Sollicitudo circa temporalia quando in ipsis ponitur finis vltimus, est peccatum mortale, quia extra Deum finis statuitur, vel quando temporalibus tantum apponitur studium, quod quis à spiritualibus necessarijs ad salutem retrahitur, vel ita est anxius, quod de Deo diffidit, quod non provideat ei in necessarijs. Ideo dicitur Matth. 13. cap. Sollicitudo seculi suffocat verbum. Aliquando veniale est, vt cum quis nimis timet deficere sibi necessaria, ideo anxie sollicitus est, non tamen desperat de prouidentia Dei, nec necessaria ad salutem delinquit propter hoc: vt missam, confessionem, communionem, &c. Thom. secunda secunda. q. 53. artic. 7. & 7. Quid autem sit, vide Thom. secunda secunda. qu. 47. a. 9. ad 3.

SOLVTIO.

Solutio debita semper fieri debet secundum monetam, quæ tempore contractus debiti currebat, quæ si non inuenitur, vel quocunque alio modo, est per.